

nink kes päält nätta töttelik om, wõip sõamest ja melest suur kelm olla: ent kui sa ütte ehk tõise sõratse kätte omma hääd ussut, ollet sa iks pettetu.

Et nüüd ma-rahwas wõisse omma warrandust, olgo paljo ehk weidi, nidade kaswu päle ehk rendi päle wälja-anda, et nemma kunnage se man kahjo ei sa ehk midda kaotawa, enge et nemma säetu ajal täwweste omma wäljapantu rahha ehk kapitali nink digel ajal ka omma renti kätte saasse, se eest om siin meije Liwlandi maal ka nõuwo petu. Kredit-Kassa-Koggodus, mes mõisnikuide hole läbbi nink Keisri herra kiinituse al eddimält ütfinda mõisnikuide hääs jo 1803mal ajastajal säeti, nink kelle eest kiik mõisniko omme pärris-mõisega wastutawa, nakkas säitsme ajastaja eest ka mu waeste eest hoolt kandma nink wõttop parhilla like kääst, ka fige wae-semba ma-mehhe kääst, rahha hoita nink massap tälle renti. Sesamma Kredit-Kassa-Koggodus om wäga kindma nink töttelik: temma ei ja kunnage waeses, sest kiik Liwlandi-ma mõisa piddawa tedda üllewän nink saiswa temma eest; tedda ei häeta ka surm ärra, sest Kredit-Kassa-Koggoduse wannemba, kea rahha wastawõtwa nink wäljaandwa, säetas nisamma, kuis kohtowannembid säetas, nink kui ütse neist ärrakolep, säetas tõine jälle assemele; temma ei petta ka keddake, ei wõi ka petta, sest temma ei otsi omma kaswu enge rahwa kaswu, nink mes sääl sünnip nink ettewõdetas, saisap üllemba wallitsuse al, nink kui rahha sisse-tullep ehk wälja-lät, sis tähhendetas se mitmin ramatin ülles, mes üllebile ettenäüdetasse.

Sesamma Liwlandi-ma Kredit-Kassa-Koggodus peap ütte kontori Lätti-rahwale Riija linan, tõise kontori Ma-rahwale Tartu linan, nink kes omma rahha tahhap rendi päle wälja-anda, se wõip siina wija, kos tal parremb nink lähemb om.

Tartun om Kredit-Kassa-Koggodus ajastaja otsa eggapäiwa ärripäiwil hommungust Iduneni koon, nink peap eñnege katskõrda ajastajan wahhet (talwel 7mast Dezembrist 23ni Januarini, suuwel 10mast Julist 10ni Augustini). Neil kattel wahhe-ehk pühha-ajal ei olle Koggoduse wannemba koon. Kel middake sääl asja om, se wõip, kui Koggodus koon om, tulla, mil päiwal ehk ni saggede, kui ta essi tahhap. Kui sa rahha tahhat siina rendi päle panda, sis teedko, et katskõrda om rahha wastawõtmine, eesmält kewwajal Aprili kuust 1tse Juni-ku päiwani, tõiselt süggisel Oktobri kuust 1tse Dezembri-ku päiwani.

Sa wõit omma rahha anda palja rendi päle, ehk ka rent-rendi päle.

Kui sa omma rahha ehk kapitali palja rendi päle sisse-añnat, sis jääp so kapital Kredit-Kassan sisse, nink ni kawwa, kui kapital seen om, massetas sulle egga ajastaja ütškõrd renti wälja. Kui sa omma kapitali rent-rendi päle pannet, sis jääp so kapital ka Kredit-Kassan sisse, ent renti ei masseta sulle mitte egga ajastaja wälja, enge ni kawwa, kui so kapital sisse jääp, ni kawwa jääp ka rent sisse, ent sesamma rendi-rahha kañnap ka egga ajastaja omma renti, mes kiik Kredit-Kassan hoijetas, seni kui sa omma kapitali fige mannu-kassunu rent rendi-rahhaga tahhat wälja-wõtta.

Kes palja rendi päle tahhap rahha sisse panda, wõip panda ni paljo, kuis ta tahhap, ent mitte wahhembat, kui 5 ruublit hõbbe rahha. Se sissepantu rahha ehk kapital kañnap  $3\frac{1}{2}$  prozenti, se om: kui kapital terwe ajastaig om Kredit-Kassan olnu, sis saat sa egga ruubli päält  $3\frac{1}{2}$  tenga renti.